



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01114-6350
Sarajevo,

07-11-2022

Na osnovu člana 21. stav (3) tačka (c) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19, 31/19, 39/20 i 59/22), čl. 18. stav (1), 14. stav (2) i 21. stav (1) tačka a) i člana 28. stav (1) Zakona o javnim nabavkama („Službeni glasnik Bosne i Hercegovine", broj 39/14 i 59/22) ministar unutrašnjih poslova Kantona Sarajevo, **d o n o s i**

ODLUKU

I

Određuje se pokretanje postupka javne nabavke građevinsko-zanatskih radova na sanaciji krova u ulici Envera Šehovića za potrebe Ministarstva unutrašnjih poslova Kantona Sarajevo, putem pregovaračkog postupka bez objave obavještenja.

II

Procijenjena vrijednost nabavke iznosi do 40.920,00 KM bez PDV-a.

III

Novčana sredstva za plaćanje nabavke osiguravaju se u Budžetu Kantona Sarajevo za 2022. godinu („Službene novine Kantona Sarajevo“ broj 5/22), razdjel 17, glava 01, ekonomski kod 821600 HAX021.

IV

Nabavka je predviđena Izmjenom i dopunom Plana nabavki Ministarstva unutrašnjih poslova Kantona Sarajevo za 2022. godinu, broj 01-11-4-468-4 od 03.08.2022. godine.

V

Za provođenje postupka nabavke iz člana I ove Odluke zadužuje se Komisija za javne nabavke Ministarstva unutrašnjih poslova Kantona Sarajevo za 2022. godinu, imenovana Rješenjem broj 05-1-11-4-519 od 01.02.2022. godine.

VI

Ova Odluka stupa na snagu danom donošenja.

Obrazloženje uslova za primjenu predmetnog pregovaračkog postupka:

U 2022. godini je u dva navrata proveden otvoreni postupak nabavke građevinsko-zanatskih radova na sanaciji krova u ulici Envera Šehovića, i to na osnovu Odluka o pokretanju, broj 01-11-4-6299 od 22.11.2021. godine i 01-11-4-3631 od 02.06.2022. godine. Međutim, oba postupka su okončana odlukom o poništenju postupka, u prvom slučaju su prispjele tri ponude od kojih niti jedna nije bila prihvatljiva, a u ponovljenom postupku, iako je u Odluci o pokretanju postupka, povećana procijenjena vrijednost, nije prispjela niti jedna ponuda.

U postupcima provedenim u 2021. godini (Odluka o pokretanju postupka broj: 01-11-4-5316 od 21.10.2020. godine) gdje je izabrani ponuđač odustao od ugovora, kao i drugorangirani, trećerangirani i četvrtorangirani ponuđač, kojima su ponuđeni ugovori, odustali su od potpisivanja ugovora za nabavku građevinsko-zanatskih radova na sanaciji krova na objektu u ulici Envera Šehovića.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

Razlog odustajanja je bila vrijednost ugovora, koju nisu mogli prihvatiti zbog vrtoglavog rasta cijena na tržištu građevinskog i instalacijskog materijala kao i nedostatku radne snage na tržištu rada iz oblasti zanatskih radova, prvenstveno zbog pandemije corona virusa.

Član 21. stav (1) tačka a) Zakona o javnim nabavkama („Službeni glasnik Bosne i Hercegovine“ broj 39/14 i 59/22) propisuje da ugovorni organ izuzetno može ugovor o nabavci dodjeliti putem pregovaračkog postupka bez objave obavještenja o nabavci u slučaju kada nijedna ponuda ili nijedna prihvatljiva ponuda nije dostavljena u otvorenom ili ograničenom postupku i kada uslovi za ugovor nisu bitno promijenjeni u odnosu na uslove iz prethodnog postupka.

Zbog poništavanja postupka javne nabavke građevinsko-zanatskih radova na sanaciji krova na objektu u ulici Envera Šehovića u više navrata, kao i zbog zadovoljavanja osnovnih potreba odnosno poboljšanja uslova za rad, opertaivnosti i efikasnosti obavljanja poslova iz nadležnosti Uprave policije, donosi se Odluka o pokretanju postupka nabavke sa ciljem zaključivanja ugovora o nabavci građevinsko-zantaskih radova na sanaciji krova na objektu u ulici Envera Šehovića.

Budući da se radi o organu koji štiti unutrašnju sigurnost Kantona Sarajevo (zaštita života i imovine: sprječavanje, otkrivanje i istraga krivičnih djela i prekršaja; održavanje javnog reda i mira i sl.), obavezni smo osigurati i obezbjediti osnovne uslove rada (radni prostor policijskih službenika kao i bezbjednost njihove dokumentacije i dokaza), stalnu operativnost i efikansost u radu policijskih službenika Ministarstva unutrašnjih poslova Kantona Sarajevo. Kako se ovdje radi o zgradi u kojoj obavljaju svoje poslove, neophodno je u što kraćem roku sanirati krov na zgradi, a koji ugovorni organ u proteklom periodu od dvije godine nije mogao učiniti zbog nemogućnosti provođenja postupka iz gore navedenih razloga, te zbog potrebe za hitnom sanacijom, ugovorni organ pokreće predmetnu nabavku putem pregovaračkog postupka bez objave obavještenja.

Ugovorni organ će prilikom provođenja predmetnog postupka voditi računa da ugovorena cijena ne bude veća od uporedive tržišne cijene.

Dostaviti:

1. Komisiji,
2. Sektoru komercijalnih poslova,
3. Kabinet ministra, stručnom savjetniku za odnose s javnošću i
4. a/a.

